

ՀԱՍՏԱՏՎԱԾ Է

Պրեմիում Ինվեսթ ՍՊԸ

Մասնակիցների ընդհանուր
ժողովի

«07» հոկտեմբերի 2025թ.

թիվ 05/2025 որոշմամբ

Մասնակիցների ընդհանուր ժողովի
նախագահ՝

Դավիթ Հարությունյան



Կ Ա Ր Գ

ԱՐԺԵԹՂԹԵՐԻ ՏԵՂԱԲԱՇԽՄԱՆ

Ուժի մեջ է՝ 2025թ-ի հոկտեմբերի «07»-ից

ԲԱԺԻՆ 1. ՆՊԱՏԱԿԸ, ԿԻՐԱՌԻՄԱՆ ՇՐՋԱՆԱԿԸ, ԱՌՆՉՎՈՂ ՓԱՍՏԱԹՂԹԵՐԸ ԵՎ ՍԱՀՄԱՆՈՒՄՆԵՐԸ

ԳԼՈՒԽ 1. ՆՊԱՏԱԿԸ

1. Արժեթղթերի տեղաբաշխման կարգը սահմանում է Պրեմիում Ինվեսթ ՍՊԸ-ի կողմից արժեթուղթ թողարկող ընկերությունների արժեթղթերի տեղաբաշխման կազմակերպման գործընթացը համաձայն ՀՀ օրենսդրության:

ԳԼՈՒԽ 2. ԿԻՐԱՌԻՄԱՆ ՇՐՋԱՆԱԿԸ

2. Արժեթղթերի տեղաբաշխման կարգի պահանջները տարածվում են նկարագրվող գործառույթներում ներգրավված Պրեմիում Ինվեսթ ՍՊԸ-ի աշխատողների վրա:

ԳԼՈՒԽ 3. ԱՌՆՉՎՈՂ ՓԱՍՏԱԹՂԹԵՐ

3. Արժեթղթերի տեղաբաշխման կարգը մշակված է ՀՀ Օրենսդրության և ՀՀ Կենտրոնական բանկի իրավական ակտերի պահանջներին համապատասխան:
4. Արժեթղթերի տեղաբաշխման կարգն առնչվում է հետևյալ հիմնական փաստաթղթերի հետ.
 - 1) «Արժեթղթերի շուկայի մասին» Հայաստանի Հանրապետության Օրենք (փոփոխություններով):
 - 2) Պրեմիում Ինվեսթ ՍՊԸ Մասնակիցների ընդհանուր ժողովի 2025 թվականի ապրիլի 1-ի թիվ 1 որոշմամբ հաստատված «Ներդրումային քաղաքականություն»:

ԳԼՈՒԽ 4. ՍԱՀՄԱՆՈՒՄՆԵՐ ԵՎ ՀԱՊԱՎՈՒՄՆԵՐ

5. Արժեթղթերի տեղաբաշխման կարգում օգտագործվում են հետևյալ հիմնական հասկացությունները՝
 - 1) Ընկերություն՝ Պրեմիում Ինվեսթ ՍՊԸ:
 - 2) Արժեթուղթ՝ բաժնետոմս կամ պարտատոմս:
 - 3) Լիազոր մարմին՝ Հայաստանի Հանրապետության կենտրոնական բանկ:
 - 4) Օրենք՝ «Արժեթղթերի շուկայի մասին» Հայաստանի Հանրապետության օրենք:

- 5) Կարգ՝ Ընկերության «Արժեթղթերի տեղաբաշխման կարգ»:
- 6) ՀԿԴ՝ Հայաստանի կենտրոնական դեպոզիտարիա ԲԲԸ:
- 7) ՀՖԲ՝ Հայաստանի ֆոնդային բորսա ԲԲԸ:
- 8) Թողարկող՝ իրավաբանական անձ, որը ՀՀ օրենսդրության համաձայն իրականացնում է արժեթղթերի թողարկում և տեղաբաշխում:
- 9) ազդագիր՝ Թողարկողի և Թողարկողի կողմից թողարկվող Արժեթղթերի վերաբերյալ Օրենքով և դրա հիման վրա ընդունված նորմատիվ իրավական ակտերով սահմանված տեղեկություններ պարունակող փաստաթուղթ, որի հիման վրա իրականացվում է Արժեթղթերի հրապարակային առաջարկ:
- 10) դեպո հաշիվ՝ արժեթղթերի հաշվառման համար նախատեսված պահառուի գրառումների բազմություն, որը միավորված է ընդհանուր հատկանիշներով:

ԲԱԺԻՆ II. ՆԿԱՐԱԳՐՈՒԹՅՈՒՆ

ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

6. Կարգը սահմանում է Ընկերությունում Արժեթղթերի տեղաբաշխման գործընթացում՝
 - 1) Ընկերության կառավարման մարմինների գործառույթները,
 - 2) Արժեթղթերի տեղաբաշխման գործընթացում ընդգրկված այլ աշխատողների գործառույթները և պարտականությունները,
 - 3) Կարգի պահանջների կատարման նկատմամբ հսկողությունը և ներքին աուդիտի իրականացումը:

ԳԼՈՒԽ 2. ԸՆԿԵՐՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԻ ԳՈՐԾԱՌՈՒՅԹՆԵՐԸ ԱՐԺԵԹՂԹԵՐԻ ՏԵՂԱԲԱՇԽՄԱՆ ԳՈՐԾԸՆԹԱՑՈՒՄ

7. Ընկերության Մասնակիցների ընդհանուր ժողովը՝
 - 1) սահմանում է Ընկերության ներդրումային քաղաքականությունը,
 - 2) հաստատում է Ընկերության Գործարար ծրագիրը, դրա կատարման հաշվետվությունները, հսկողություն է իրականացնում ծրագրի իրագործման նկատմամբ,
 - 3) քննարկում և հաստատում է Ընկերության գործադիր տնօրենի կողմից ներկայացված Արժեթղթերի տեղաբաշխման առաջարկները,
 - 4) իրականացնում է Օրենքով և դրա հիման վրա ընդունված այլ իրավական ակտերով սահմանված այլ գործառույթներ:

8. Ընկերության գործադիր տնօրենը՝

- 1) կորորդինացնում է Վերլուծաբանների խմբի աշխատանքը պոտենցիալ Թողարկողների ընտրության ուղղությամբ,
- 2) իրականացնում է պոտենցիալ Թողարկողների հետ նախնական բանակցություններ Արժեթղթերի հնարավոր թողարկման և տեղաբաշխման վերաբերյալ
- 3) իրականացնում է հանդիպումներ պոտենցիալ ներդրողների հետ, բացահայտում է հնարավոր թողարկվելիք Արժեթղթի նկատմամբ պահանջարկը:
- 4) Արժեթղթի տեղաբաշխման վերաբերյալ առաջարկը ներկայացնում է Ընկերության Մասնակիցների ընդհանուր ժողովի հաստատմանը, ընդ որում նախաձեռնությունը կարող է դրսևորվել նաև պոտենցիալ Թողարկողի կողմից,
- 5) կնքում է Արժեթղթի տեղաբաշխման պայմանագիր Թողարկողի հետ,
- 6) կորորդինացնում է Վերլուծաբանների խմբի կողմից Ազդագրի պատրաստման և Լիազոր մարմին հաստատման ներկայացման աշխատանքները,
- 7) Լիազոր մարմնի կողմից Ազդագրի հաստատումից հետո կազմակերպում է հանդիպումներ պոտենցիալ ներդրողների հետ, ներկայացնում Արժեթղթի և տեղաբաշխման պայմանները:
- 8) Թողարկողի հետ համատեղ իրականացնում է տեղաբաշխվելիք Արժեթղթի ճանաչվելիության բարձրացմանը ուղղված մարքեթինգային միջոցառումների ծրագիր, իրականացնում է Արժեթղթի հրապարակային առաջարկ:
- 9) անհրաժեշտության դեպքում կազմակերպում է Արժեթղթի տեղաբաշխումը ՀՖԲ-ի համապատասխան հարթակում:
- 10) անհրաժեշտության դեպքում կազմակերպում է տեղաբաշխված Արժեթղթի փոխանցումը ՀԿԴ-ում կամ այլ դեպոզիտարիայում սպասարկվող ներդրողների դեպո հաշիվներին,
- 11) Թողարկողի հետ համաձայնության դեպքում վերջինիս հետ կնքում է շուկա ստեղծողի պայմանագիր,
- 12) ապահովում է Օրենքի, Կարգի և Օրենքի հիման վրա ընդունված այլ իրավական ակտերի ամբողջական ու արդյունավետ կիրառումը և հսկողություն է իրականացնում դրա նկատմամբ,
- 13) իրականացնում է Օրենքով և դրա հիման վրա ընդունված այլ իրավական ակտերով սահմանված այլ գործառույթներ:

ԳԼՈՒԽ 3. ՎԵՐԼՈՒԾԱԲԱՆՆԵՐԻ ԽՄԲԻ ԳՈՐԾԱՌՈՒՅԹՆԵՐԸ

9. Վերլուծաբանների խումբը գործադիր տնօրենին ներկայացնում է պոտենցիալ Թողարկողների վերաբերյալ առաջարկներ համաձայն Տարեկան աշխատանքային ծրագրի, որոնք առնվազն ներառում են

- 1) ՀՀ արժեթղթերի շուկայի ընթացիկ վիճակը,
- 2) պոտենցիալ Թողարկողի ֆինանսական վիճակի վերլուծություն, հիմնված վերջին երեք տարվա հրապարակված ֆինանսական հաշվետվությունների, ինչպես նաև Թողարկողի վերաբերյալ առկա այլ տեղեկությունների վրա,
- 3) պոտենցիալ Թողարկողի վերաբերյալ ոչ շուկայական տեղեկատվություն, այդ թվում բաժնետերերի և գործադիր մարմնի ղեկավարների վերաբերյալ,
- 4) ֆինանսական և ոչ ֆինանսական հնարավոր ռիսկերի վերաբերյալ տեղեկատվություն
- 5) հնարավոր թողարկվելիք Արժեթղթի էական պայմանների վերաբերյալ տեղեկատվություն, այդ թվում Արժեթղթի տեսակ, Արժեթղթի ժամկետ (առկայության դեպքում), արժեկտրոնի տոկոսադրույքի միջակայք (առկայության դեպքում), արժեկտրոնի վճարման պարբերականություն (առկայության դեպքում), տեղաբաշխման գին, Ընկերության և Ընկերության հետ փոխկապակցված անձանց կողմից Արժեթղթի ձեռքբերման առավելագույն ծավալ և այլն,
- 6) հնարավոր թողարկվելիք Արժեթղթի տեղաբաշխման էական պայմանների վերաբերյալ տեղեկատվություն, այդ թվում լավագույն ջանքերի (best efforts) կամ հաստատուն պարտավորության (firm commitment) տարբերակների, տեղաբաշխման ձևի և հարթակի վերաբերյալ,
- 7) անհրաժեշտության դեպքում պատրաստում է արժեթղթերի փոխանցման համապատասխան հանձնարարականներ՝ տեղաբաշխված Արժեթուղթը ՀԿԴ-ում կամ այլ դեպոզիտարիայում սպասարկվող ներդրողների դեպո հաշիվներին փոխանցելու նպատակով:

ԲԱԺԻՆ III. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ
ԽԱԽՏԵԼՈՒ ՀԱՄԱՐ, ԵՋՐԱՓԱԿԻՉ ԴՐՈՒՅԹՆԵՐ

ԳԼՈՒԽ 1. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ
ՀԱՄԱՐ

10. Կարգով սահմանված գործառույթները/քայլերը իր ստորաբաժանումում կազմակերպելու և ապահովելու համար պատասխանատվություն է կրում Վերլուծաբանների խմբի ղեկավարը:

ԳԼՈՒԽ 2. ԵԶՐԱՓՈՒԿ ԴՐՈՒՅԹՆԵՐ

11. Ընկերությունում Արժեթղթի տեղաբաշխման գործառույթների համակարգման և դրանց պատշաճ իրականացման նկատմամբ ընթացիկ հսկողության պատասխանատու է հանդիսանում գործադիր տնօրենը: Կարգով սահմանված պահանջների նկատմամբ վերահսկողությունն իրականացնում է Ներքին աուդիտի ծառայությունը: